

Sarajevo, 14 -01- 2019

Broj: 02-03-2035

Na osnovu člana 18. Stav 1. Zakona o javnim nabavkama („Službeni glasnik BiH“ broj 39/14), člana 48. Statuta Kliničkog centra Univerziteta u Sarajevu, člana 6, 10 i 11 Pravilnika o javnim nabavkama br. 0202-14542 od 29.03.2017. god. na prijedlog Tehničkog sektora Generalna direktorica donijela je:

ODLUKU

o pokretanju postupka javne nabavke za izbor najpovoljnijeg ponuđača

I

Ovom odlukom odobrava se pokretanje postupka javne nabavke za izbor najpovoljnijeg ponuđača za nabavku i isporuku uređaja za perfuziju, vantjelesnu cirkulaciju krvi za potrebe Klinike za kardiovaskularnu hirurgiju KCUS-a.

Nabavka će se provesti primjenom otvorenog postupka sa međunarodnim učešćem. Objava obavještenja o nabavci i tenderske dokumentacije će se izvršiti na portalu Agencije za javne nabavke. Za navedeni postupak se planira provesti e-aukcija.

II

Za realizaciju nabavke iz člana I. ove odluke odobravaju se finansijska sredstva u iznosu od 450.000,00 KM bez uračunatog PDV-a odnosno 526.500,00 KM sa uračunatim PDV-om. Nabavka je planirana privremenim Planom javnih nabavki za 2019. god. pod klasifikacijom robe, red. br. 2. (Odluka o usvajanju izmjene i dopune privremenog Plana javnih nabavki Kliničkog centra Univerziteta u Sarajevu za 2019 godinu, broj: 318/18; protokol br. 02-01-67042 od 25.12.2018). Sredstva za nabavku su obezbjeđena, po presudi Općinskog suda u Sarajevu u iznosu od 1.980.042,79 KM.

Za postupak nabavke predviđeni uslovi plaćanja su odgođeno plaćanje 30 dana po ispostavljenom računu (na osnovu dopisa Sektora za računovodstvo, plan i analizu - Finansijska služba br. 11-02-1222 od 09.01.2019. godina).

III

Realizaciju nabavke iz člana I. ove odluke provest će Tehnički sektor putem Komisije za provođenje postupka javne nabavke, u skladu sa postupcima regulisanim Zakonom o javnim nabavkama, podzakonskim aktima i opštim aktima ugovornog organa KCUS-a.

IV

Zaključenje ugovora ili drugog pravnog posla u cilju realizacije predmetne nabavke provesti će se u skladu sa ovlaštenjima utvrđenim Zakonom o javnim nabavkama, podzakonskim aktima i opštim aktima ugovornog organa KCUS-a.

V

Odluka stupa na snagu danom donošenja

OBRAZLOŽENJE

Tehnički sektor, za potrebe Klinike za kardiovaskularnu hirurgiju KCUS-a, a na osnovu Odluke o usvajanju izmjena i dopuna privremenog Plana javnih nabavki KCUS-a za 2019

JPM
MS


godinu broj:318/18 (protokol br. 02-01-67042 od 25.12.2018. godine), obratio se Generalnoj direktorici sa zahtjevom za saglasnost za pokretanje postupka javne nabavke uređaja za perfuziju, vantjelesnu cirkulaciju krvi za potrebe Klinike za kardiovaskularnu hirurgiju KCUS-a.

Realizacija nabavke iz predhodnog stava finansirat će se iz sredstava obezbjeđenih po presudi Općinskog suda u Sarajevu u iznosu od 1.980.042,79 KM.

Obzirom da su sredstva obezbjeđena, utvrđeno je da su ispunjene sve pretpostavke za realizaciju nabavke, te je shodno Zakonu o javnim nabavkama, te usvojenim opštim aktima ugovornog organa predmetni zahtjev dostavljen Generalnoj direktorici na konačno odobravanje.

Cijeneći navedeno donesena je odluka kao u dispozitivu.

RUKOVODILAC TEHNIČKOG SEKTORA
Nuriya Jusupović, dipl.ing.el.



GENERALNA DIREKTORICA
Prof.dr. Selma Izetbegović